

KANTON SARAJEVO- Skupština Kantona Sarajevo

Zastupnik u Skupštini Kantona Sarajevo: *Hamed ALJOVIĆ*

KANTON SARAJEVO- Skupština Kantona Sarajevo

Predsjedavajuća- *Ana BABIĆ*

U skladu sa članovima 106, 213 i 214 Poslovnika Skupštine Kantona Sarajevo (“Službene novine Kantona Sarajevo” – Drugi novi prečišćeni tekst, broj: 41/12 ,15/13 , 47/13, 47/15 i 48/16), upućujem slijedeće

### ZASTUPNIČKO PITANJE

**prema:** Ministarstvu za boračka pitanja Kantona Sarajevo

#### PITANJE

Tražim od Ministarstva za boračka pitanja Kantona Sarajevo da mi dostavi informaciju „Kako i na koji način je regulisana izgradnja i postavljanje šehidskih nišana i nadgrobnih ploča, održavanje šehidskih nišana i nadgrobnih ploča i grobnog mjesta šehida i poginulih boraca Armije, HVO i MUP-a RBiH za Kanton Sarajevo, kao i podatke o šehidima i poginulim borcima koje Fond memorijala vodi da nemaju status poginulog borca, te da preduzme mjere i postupke da se to pitanje u skladu sa zakonskim propisima i podzakonskim aktima na primjeren način reguliše“.

#### OBRAŽLOŽENJE PITANJA

Veliki broj porodica šehida i poginulih boraca Armije, HVO i MUP-a RBiH ne čekajući da im institucije i ustanove sistema vlasti to urade, izgradile su i postavile nišane i nadgrobnne ploče, i uredile grobno mjesto za svoje najmilije. Za veći broj Fond memorijala je izradio i postavio šehidske nišane i nadgrobnne ploče. Za manji broj šehida i poginulih boraca do danas nisu izgrađeni i postavljeni šehidski nišani i nadgrobnne ploče. Razlozi takvog stanja su specifične okolnosti – ne raspolaže se sa podacima o članovima njihovih porodica. Manji broj šehida i poginulih boraca nemaju statut poginulog borca. Jedan broj porodica plaća godišnju taksu za održavanje grobnog mjesta, iako to nije obavezna činiti.

Porodice koje su sopstvenim sredstvima izgradile i postavile nišane i nadgrobnne ploče i uredile grobna mjesta za svoje najmilije, brinu i održavaju njihovo grobno mjesto.

Jedan broj porodica koje su sopstvenim sredstvima izgradile i postavile nišane i nadgrobnne ploče i uredile grobna mjesta za svoje najmilije je iskoristilo zakonsku mogućnost i podnijelo zahtjev Fondu memorijala za refundaciju troškova izgradnje i postavljanja nišana i nadgrobnih ploča, što je Fond memorijala i realizovao. U tom postupku porodica kojoj su refundirana – isplaćena novčana sredstva su svojom izjavom potpisale da se obavezuju dalje voditi računa o grobnom mjestu i njegovom održavanju.

Fond memorijala vrši održavanje grobnih mjesta za šehide i poginule borce za koje je Fond memorijala izgradio i postavio šehidske nišane i nadgrobnne ploče.

Sagledavajući problematiku koja tretira ovo pitanje, neprimjerenim je činjenica da članovi porodice šehida i poginulog borca koje su sopstvenim sredstvima izgradile i postavile nišan i nadgrobnnu ploču i uredile grobno mjesto, porodice koje su potpisale saglasnost sa Fondom memorijala da im se isplati refundacija troškova za izgradnju i postavljanje nišana i nadgrobnih ploča i, koje su se obavezale da će brinuti i održavati nišane i nadgrobnne ploče, su praktično kažnjene i diskriminisane u odnosu na one porodice

kojima je Fond memorijala izgradio i postavio šehidske nišane i nadgrobne ploče. Njima će Fond memorijala održavati grobna mjesta, a porodicama koje su sopstvenim sredstvima izgradile i postavile nišan i nadgrobnu ploču i uredile grobno mjesto, i porodicama kojima su refundirani troškovi izgradnje i postavljanje nišana i nadgrobnih ploča to neće činiti. Te porodice će svojim sredstvima održavati i brinuti o grobnom mjestu.

**Iz današnje perspektive, takvo stanje je diskriminirajuće, nemoralno i neprihvatljivo. Postoji istinska potreba da se izmjenama i dopunama zakonskih odredbi i podzakonskih akata i odluka ta problematika dodatno uredi čime će se otkloniti svaki vid diskriminacije prema porodicama časnih šehida i poginulih boraca. Postavlja se logično, ali prevashodno i moralno pitanje: Ko će voditi računa o održavanju šehidskih nišana i nadgrobnih ploča i njihovih grobnih mjesta, kad sa lica zemlje nestanu članovi porodica šehida i poginulih boraca? To je dužna činiti država za koju su Oni dali svoje živote...**

#### **NAPOMENA**

Nekoliko građana mi se kao zastupniku/poslaniku u Skupštini Kantona Sarajevo obratilo sa molbom da postavim ovo zastupničko/poslaničko pitanje.

**PITANJE POSTAVLJENO NA:** 41 Radnoj sjednici Skupštine Kantona Sarajevo održanoj 24.04.2018. godine.

*As.* Zastupnik

-----  
/ Hamed Aljović